


儀禮義疏

三十九

內閣文庫			
番號	漢	1828	
冊數	181 (90)		
函號	別	1	1



欽定儀禮義疏卷第三十九

淺草文庫

有司徹第十七之一

正義鄭氏康成曰。少牢之下篇也。大夫既祭。賓尸於

堂之禮。天子諸侯之祭。明日而繹。有司徹於五禮屬

吉。大戴第九。小戴第十二。別錄少牢下篇第十一。

敖氏繼公曰。此別為一篇。及其名篇之意。皆與既夕

同。郝氏敬曰。承上暮事畢。有司徹室中饌。賓尸於

堂。賓尸即繹。凡大祭明日繹。少牢之賓即祭日也。

案上篇正祭以神道事尸於室。故用祝與佐食。皆室事也。此篇賓尸。以賓禮接尸於堂。故不用祝與佐食。而另立侑以輔尸。皆堂事也。即於祭日攝酒歃俎而行之。與天子諸侯明日繹祭者不同。祭統云。天子之祭也。與天下樂之。諸侯之祭也。與竟內樂之。然則大夫之賓尸也。亦率其賓客宗族家臣以樂尸而已。

通論

鄭氏康成曰。卿大夫既祭而賓尸。禮崇也。天子諸侯明日而繹。春秋傳曰。辛巳。有事於大廟。仲遂卒

于垂。壬午猶繹。是也。爾雅曰。繹。又祭也。又曰。天子

諸侯曰繹。以祭之明日。卿大夫曰賓尸。與祭同日。

賈氏公彥曰。爾雅釋天云。周曰繹。商曰彤。夏曰復。肸。

復。肸者。復昨日之肸祭。彤者。義取彤彤。祭不絕。繹者。

取尋繹前祭之事。郊特牲。繹之於庫門內。祊之於東

方。失之矣。注。祊之禮宜於廟門外之西室。繹又於其

堂。神位在西也。二者同時而大名曰繹。其祭禮簡。而

事尸禮大。大夫賓尸同日。用正祭之牲。天子諸侯禮

大別日又別牲。何氏休曰。繹者。繼昨日事。但不灌地降神耳。天子諸侯曰繹。大夫曰賓尸。士曰宴尸。去事之殺也。必繹者。尸配先祖食。不忍輒忘。故因以復祭。

存異 鄭氏康成曰。上大夫既祭。賓尸於堂。若下大夫祭畢。禮尸於室中。無別行賓尸於堂之事。賈氏公彥曰。賓尸是卿。不賓尸是下大夫。上大夫室中事尸。行三獻禮畢。別行賓尸於堂。下大夫行三獻。卽於室

內爲加爵禮尸。無別行賓尸于堂之事。下文若不賓尸。以下是也。

辨正 郝氏敬曰。鄭謂有司賓尸爲上大夫。不賓尸爲下大夫。賓與不賓。事故適然。或祭有大小。禮有損益。未可據此分大夫之上下也。

案 少牢下篇。以賓尸爲正禮。不賓尸乃禮之殺者。故另起言若不賓尸。如士冠禮。言若不醴則醢用酒。若殺則特豚。士昏禮記云。若不親迎。則婦入三月然後

金定儀禮事正
壻見一例。敖氏以爲古今文質異宜。或亦五方風俗異尚。是也。又時祭有四。或三時賓尸。而一時不賓尸。或秋冬賓尸。而春夏不賓尸。亦惟人酌而行之耳。

有司徹。

正義

鄭氏康成曰。徹室中之饋。

賈疏。室內之饋。主于尸。饌薦俎黍稷皆名饋。

及祝佐食之俎。

賈疏。祝亦有薦。在室內北墉下。佐食之俎。在兩階之間。見於上篇。

賈

氏公彥曰。不賓尸。餽訖云。有司官徹饋。饌于室中西北隅。彼注。司馬司士舉俎。宰夫取敦及豆。則此饋內兼數

物。惟無所俎。所俎。上篇佐食徹之。先設於堂下也。敖氏繼公曰。徹室中之饋。及暮者之豆爵。與祝之薦俎也。祝不執其俎以出。是未歸也。其二佐食。乃衆賓爲之。室中事畢。亦反於賓位。然則祝與佐食。皆當與於賓尸之禮矣。此時有司徹祝俎。或設於堂下。與主人於暮者之退。亦反入於室。及有司既徹。則出立於阼階東也。

案此後無室事。則凡室中所有。悉徹而空之矣。室中之饋。則尸之四豆也。五俎也。四敦也。兩鉶也。四瓦豆也。酌

奠之觶也。祝之二豆也。一俎也。養者之二豆清也。四爵也。其在外。則所俎已設於堂下阼階南。二佐食之薦俎。本設於兩階間。悉徹之。但尸俎所俎。則出之爨以待燾。祝佐食之薦俎。則當各設之於其堂下之位。其餘豆鉶諸物。各歸其所。以待概滌。室中尸祝主人主婦之祭。亦掃而去之。

存疑鄭氏康成曰。賓尸則不設饌西北隅。以此薦俎之

陳有祭象。而亦足以厭飫神。賈疏對下不賓尸者。尸出之後。改饌西北隅為厭飫

神也。賈氏公彥曰。所俎亦用賓尸。不使有司同時徹者。所俎本為尸故設之。徹之皆不與正俎同時。後設先徹也。

案厭飫之說。已於士虞特牲辨之矣。不賓尸。則祭畢無後禮。故改設之。而後徹。示重神餘也。賓尸。則祭雖畢而尚有後禮。故即徹之。而不改設。以其事相接。而神餘將有所用之也。於厭不厭無與焉。賓尸亦用所俎之俎實。非用其俎也。下經自明。

掃堂掃索到反

正義鄭氏康成曰。為賓尸新之。少儀曰。汎掃曰掃。掃席

前曰拚。賈疏引少儀者。明於堂汎掃。

賈氏公彥曰。正祭於室之時。

堂亦掃訖。今將賓尸。又掃之。

司宮攝酒攝書摺反注。今文攝為聶。

正義鄭氏康成曰。更洗益整頓之。賈疏。士冠禮。再醮攝酒。謂撓之。此更添益酒。注云。攝猶整也。整

整頓。則此洗當作撓。

賈氏公彥曰。因前正祭之酒。更

撓擾添益整新之也。

案攝。說文解為引持。此疏又云添益。則是持酒以益於

尊。所謂貳也。天官酒正職。凡祭祀。以法共五齊三酒。以

實八尊。大祭三貳。中祭再貳。小祭一貳。皆有酌數。是也。

乃𡗗尸俎。𡗗音尋劉。徐鹽反。

正義許氏慎曰。𡗗於湯中爇肉也。鄭氏康成曰。𡗗。溫

也。溫尸俎於爇。所亦溫焉。賈疏。下文載俎所舉。在所之肩髀脊脅。皆復載於俎。則所

亦溫也。古文𡗗皆作尋。記或作燂。賈疏。郊特牲。血腥燂。注云。燂或為燂。春秋

傳曰。若可燂也。亦可寒也。賈疏。哀十二年傳。子貢對吳大宰文。賈氏公

彥曰。下文云。卒。燂。乃升羊豕魚三鼎。是先溫於爨之鑊。乃升之於鼎也。敖氏繼公曰。俎。俎實。謂尸前之羊豕魚。及所加於所俎者也。雍。爨所燂。固不止此。此特爲其已在俎者言之耳。祝佐食亦與賓尸之禮。其俎實不燂者。以無上位畧之。但因其故俎而已。

案燂尸俎者。羊體則燂於羊鑊。豕體與膚則燂於豕鑊。魚則燂於魚鑊。唯腊及所俎內之心舌不燂耳。正祭時所升者。尸俎而外。唯祝與二佐食之俎而已。其餘則皆

存乎鑊也。將賓尸。則凡賓兄弟公有司私人內兄弟之胥。雍人雍府皆自鑊載之於俎。鑊中直有清而已。乃以尸俎投而燂之。

存疑鄭氏康成曰。獨言溫尸俎。則祝與佐食不與賓尸之禮。賈疏。正祭時。尸祝及佐食皆有俎。今獨言溫尸俎。見賓尸時。祝與佐食不與。而別立侑也。

案自有司徹以下。祝與佐食皆不見於經。故注以爲祝與佐食不與賓尸之禮。然經不見祝佐食出與歸俎之文。則是猶在列也。且事神事尸。祝佐食有上事爲最貴。

而賓尸之禮不與可乎。以其賓尸不與尸相接。而在堂下衆賓衆兄弟之班。故經文不見之也。祝佐食之俎不燔者。以他人可用尸之餘。不可令尸用他人之餘也。是以因其故俎。而設於堂下焉。正祭主人主婦不設俎。亦以賓尸不便於燔俎故耳。上篇宗人遣賓。杞而二佐食在焉。故敖氏以佐食爲衆賓也。其祝若同姓。則在兄弟之列。異姓。則在衆賓之列。

卒燔。乃升羊豕魚三鼎。無腊與膚。乃設扃冪。陳

鼎于門外。如初。

扃古熒反。冪茫狄反。注今文扃爲鉉。古文冪爲密。

正義敖氏繼公曰。少牢當五鼎。此乃無腊與膚鼎者。賓尸之禮。膚不專俎。而附於豕俎。故是時亦不可以專鼎。而附於豕鼎也。然鼎數宜奇。是以併去腊。而爲三焉。腊全不用者。此禮貶於祭。而腊又賤。故畧之。鄭氏康成曰。腊爲庶羞。膚從豕。去其鼎者。賓尸之禮。殺於初。如初者。如廟門之外。東方北面北上。

案下文載俎實。尸膚五。侑膚三。主人膚三。主婦膚一。此

云無膚者。言無專鼎耳。下注云。庶羞羊臠豕臠。皆有臠。醢。腊不在焉。此乃云腊爲庶羞。不獨於經未聞。鄭亦自相刺繆矣。

右新賓禮

乃議侑于賓。以異姓。

侑音又注古。文侑皆作宥。

正義鄭氏康成曰。議猶擇也。擇賓之賢者可以侑尸。必用異姓。廣敬也。敖氏繼公曰。議侑于賓。謂與賓長謀。議可以爲侑者也。此與鄉飲酒就先生而謀賓介之意。

相類。以異姓。謂於衆賓之中擇之也。尸既同姓。故侑必異姓。侑之言佑也。所以輔助尸者也。賓尸而立侑。亦示敬尸之意。且貴多儀也。

案以尸爲賓。又立侑以輔尸。猶鄉飲有賓必有介也。尸席尸西南面。侑席西序東面。猶鄉飲之賓席牖前南面。介席西階上東面也。侑取異姓。乃可以居西序東鄉之位。

正義

鄭氏康成曰。是時主人及賓有司。已復內位。

賈疏上篇

四簋者。二佐食。二賓長。餞訖皆出。未見入。主人送。上簋言退。皆有出事。今議侑在內。故云是時賓主人已復內位也。

案主人賓有司皆未出廟門。則猶在內位也。何復之有。上篇暮者三人興出。注云。出降反賓位。是也。三人中佐食在焉。抑可見佐食之與於賓尸禮矣。

宗人戒侑。

正義鄭氏康成曰。戒猶告也。南面告於其位。賈疏賓位在門東北面。下文將獻賓時。主人降南面拜眾賓于門東。三拜。象賓門東北面皆答一拜。是也。請以為侑。明南面鄉其位。

可知。戒曰。請子為侑。賈疏案燕禮。公曰。命某為賓。射人傳命某為侑。宗人傳主人辭。戒曰。請子為侑。郝氏敬曰。議既定。宗人遂戒之。

侑出俟于廟門之外。

正義鄭氏康成曰。待於次。當與尸更入。主人興禮事尸。極敬心也。賈疏謂立侑輔尸。使出更迎之。

案燕禮大射儀。既命賓。賓出門外。以主人當迎之也。此侑之出與彼同節。但燕禮賓出東面。大射儀賓出北面。此不言侑所面。以下經尸與侑北面于廟門之外者。決

之。則此亦北面與。

右立侑

司宮筵于戶西南面。

正義鄭氏康成曰。為尸席也。

又筵于西序東面。

正義鄭氏康成曰。為侑席也。李氏如圭曰。尸侑席位。

與鄉飲酒賓介之席位同。

尸與侑北面于廟門之外西上。

正義鄭氏康成曰。言與殊尊卑。北面者。賓尸而尸益卑。

賈疏。賓尸之禮。以尸為賓客。當在門西東面北上。今門外北面。故云益卑也。

敖氏繼公曰。

尸北面者。尊大夫。若不敢為賓客然也。其位當在門外之西。祭事已。尸出門。則不敢以尊自居。西上。賓位尚左也。

案尸者。神之所憑。憑之則神離之。則人也。賓尸者。處乎神與人之間。始猶疑乎神之。終則全乎人之者也。士之尸未出廟。則疑乎神未離之。故尸不與於旅酬。尸尊也。

大夫賓尸。尸出廟而復入。則疑乎神既離之。故尸亦與乎旅酬。尸卑也。又案燕禮之賓出東面。賓之也。大射儀之賓出北面。臣之也。此之尸。侑皆北面。故注以爲尸益卑。而敖氏以爲尊大夫也。疏謂尸執臣道。夫同姓之親。天子諸侯盡臣之。大夫則或臣或不臣矣。豈可概乎其臣者。如東郭偃臣崔武子是也。爲尸者。則不必其皆臣也。

主人出迎尸。宗人擯。

正義 鄭氏康成曰。賓客尸而迎之。主人益尊。擯贊。賈

氏公彥曰。正祭主人不迎尸。以伸尸之尊。此迎之。以尸同賓客也。李氏如圭曰。向者祝擯。尸神象也。今宗人擯賓尸也。敖氏繼公曰。迎之而使宗人擯。待賓之禮也。賓客尸而迎之。亦爲祭事已。

主人拜。尸答拜。主人又拜。侑答拜。

正義 敖氏繼公曰。主人拜。蓋西面也。答拜者。其皆東面與。此拜皆再拜。下文拜至亦然。

主人揖先入門右。

正義鄭氏康成曰。道尸。敖氏繼公曰。凡主人與客揖而先入。皆入門右也。經特於此見之。

尸入門左。侑從亦左。揖乃讓。

正義鄭氏康成曰。沒雷相揖。至階又讓。賈氏公彥曰。鄉飲酒禮之等。入門三揖。至階又讓。敖氏繼公曰。亦三揖。至於階乃三讓也。經文省。亦以其可知故也。

主人先升自阼階。尸侑升自西階。西楹西北面

東上。

正義敖氏繼公曰。尸侑升自西階。尸升三等。侑從之中等。如上下射升降之儀也。其降也亦然。東上。尸宜與主人相當也。鄭氏康成曰。東上。統於其席。賈氏公彥曰。尸在門外北面西上。統於賓客。至此升堂亦應西上。而東上。賓席以東為上故也。

主人東楹東北面拜至。尸答拜。主人又拜。侑答拜。

正義鄭氏康成曰拜至喜之。敖氏繼公曰拜至說見

士昏禮。郝氏敬曰自主人出迎及拜至皆用賓禮與

祭時尸入不迎異所以為賓尸而尸稍卑矣。

家鄉飲酒禮賓升主人先拜至與賓成禮既乃與介揖

讓升又拜至與介成禮此則尸侑同時升而主人之拜

至亦相踵為之與彼禮異。

右迎尸侑

乃舉。

正義鄭氏康成曰舉舉鼎也舉者不盥殺也。賈疏正祭時皆盥訖

乃舉鼎此賓尸不盥故云殺也。

司馬舉羊鼎司士舉豕鼎舉魚鼎以入陳鼎如

初。

正義敖氏繼公曰司馬二人司士四人也魚鼎重言舉

明其與豕鼎異人也如初如其東方當序西面北上。

鄭氏康成曰如初如阼階下西面北上。賈疏如正祭時陳鼎之事也

雍正執一七以從雍府執二七以從司士合執

二俎以從。司士贊者亦合執。二俎以從。七皆加于鼎。東枋。二俎設于羊鼎西。西縮。二俎皆設于二鼎西。亦西縮。注古文縮皆爲感

正義

鄭氏康成曰。凡三七。鼎一七。四俎爲尸侑主人主

婦。

賈疏據下文四者皆有俎。

其二俎設於豕鼎魚鼎之西。陳之宜具

也。

賈疏。四俎當俱陳于羊鼎之西。分二俎陳豕鼎魚鼎之西者。欲使三鼎之西並有俎。故云具也。

李

氏如圭曰。四俎皆載羊體之正俎。而分陳之。

敖氏繼

公曰。一七。羊七也。二七。豕魚七也。四俎。乃尸侑主人主

婦之羊俎也。設之亦北上。如鼎之序。然其載之亦先北而後南也。此皆羊俎。其二乃在豕鼎魚鼎西者。但欲使鼎前皆有俎耳。不嫌其所載者異也。羊鼎西特有二俎尊之也。此執七以少者爲貴。設俎以多者爲尊。亦宜也。
案大夫之祭。以羊爲上牲。故以少牢名篇。此賓尸諸品皆統於羊。故羊鼎羊七羊俎。及舉之執之設之者。皆先於其豕與魚也。

雍人合執。二俎陳于羊俎西。並皆西縮。覆二疏

七于其上皆縮俎西枋

覆芳屋反下並同注古文並皆作併

正義

賈氏公彥曰此二俎為益送之俎。敖氏繼公曰。

羊俎指在羊鼎西者也。此二俎陳于其西亦北上。其北俎次賓以羞羊七清豕七清。其南俎司馬以羞羊肉清。司士以羞豕脊清魚。疏七二者羊豕之清宜異器也。覆者為塵也。二七覆于二俎之上。羊七在北。豕七在南。南非七清之俎亦覆七於其上者事未至。權加之耳。此俎將載則更以豕七加於其北俎。既則反之。縮俎西枋為

縮執俎者在西也。鄭氏康成曰並併也。疏七七柄有

刻飾者

賈疏疏者疏通刻飾之名若禮記云疏屏之類謂通柄刻雲氣以飾也

存疑

鄭氏康成曰其南俎司馬以羞羊七清羊肉清其

北俎司士以羞豕七清豕脊清魚

正義

賈氏公彥曰七清謂無肉直清以其在七也。肉清

直是肉從清中來實無清。下文次賓羞羊七清司馬羞羊肉清。此注并云司馬其實羞羊七清者是次賓也。又下文次賓羞豕七清司士羞豕脊羞清魚。此注并云司

士亦據上經司士擊豕而言實次賓羞豕七清也。

羞俎者注不見次賓疏以經正之是也其二俎之設。

注謂南者羞羊北者羞豕魚似屬倒置然即謂北俎羞

羊南俎羞豕魚猶未盡合也蓋兩俎必相間用之羊七

清俎以羞于尸則羊肉清俎亦當已載而俟則二者不

可同用一俎明矣豕七清與豕膏亦然故二俎祇可以

七與肉分而不可以羊與豕異也。

右陳設鼎俎

主人降受宰几尸侑降主人辭尸對。

正義鄭氏康成曰几所以坐安體周官大宰掌贊玉几

玉爵賈疏引大宰者證宰授主人几之義敖氏繼公曰為尸受几故尸

從降侑亦降者從尸也凡尸為禮之類此者侑則從之

此所以謂之侑也與。

宰授几主人受一手橫執几揖尸。

正義敖氏繼公曰几自東壁來其授受於阼階東與獨

揖尸尸尊也聘禮公受几于序端鄭氏康成曰獨揖

尸。几禮主于尸。

主人升尸。俯升復位。

正義

鄭氏康成曰。位。阼階賓階上位。

賈疏。主人位常在阼階上。其尸位在

尸西及在西階上。今恐尸復位在尸西。故言賓階上位也。

主人西面。左手執几。縮之。以右袂推拂几。三。二手橫執几。進授尸于筵前。

正義

鄭氏康成曰。拂者。外拂之也。推拂。去塵示新。敖

氏繼公曰。推者。推手也。郝氏敬曰。拂几則直。順便也。

授几則橫。對便也。主人二手橫執几。執外廉也。

尸進。一手受于手閒。

正義

敖氏繼公曰。聘禮云。賓進訝受几于筵前。此亦訝

受也。乃云手閒者。但言其疏數之節耳。此授受者皆橫

執几。而二手之間有廣狹。則凡賓主之橫執几者。二手

共執其一廉明矣。鄭氏康成曰。受從手閒。謙也。郝

氏敬曰。尸二手受。受內廉也。主人二手執几兩端。併

二手執几中閒。授者極慎。受者極恭也。

主人退尸還几縮之右手執外廉北面奠于筵上左之南縮不坐還音旋

正義

敖氏繼公曰主人退復位也還几還而易執之也

縮執几亦用二手此惟云右手執外廉特見其一耳右

廉而謂之外者以其差遠於人故也几稍高故設之不

坐少儀曰取俎設俎不坐其意類此賈氏公彥曰主

人橫執几進授尸尸二手受于主人手閒時亦橫受之

將欲縱設于席故還之使縮以右手執几外廉鄉北面

縮設于席也鄭氏康成曰左之者異於鬼神生人陽

長左鬼神陰長右賈疏凡設几神在右人在左生人陽故尚左鬼神陰故尚右不坐

奠之者几輕郝氏敬曰右手執外廉執主人所執之

方筵南向故北面奠于筵上左之謂奠几筵東

案左之以筵為左右不以設者為左右故在東也

主人東楹東北面拜

正義

鄭氏康成曰拜送几也

尸復位尸與侑皆北面答拜

鄭氏康成曰。侑拜者。從於尸。賈疏立侑以輔尸。故侑從尸拜。敖

氏繼公曰。至此尸乃復位。則是主人拜時。尸在筵前東面也。

案主人尸侑皆北面拜。賓主之正禮。此乃所謂賓尸也。

几尊者所憑依。神與人不同。於神則設之而已。於人則有設几授几。設則從質。授則彌文也。士昏禮。覲禮。聘禮。與此參觀之。可見焉。

右授几

主人降洗。尸侑降。尸辭洗。主人對。卒洗。揖。主人升。尸侑升。尸西楹。西北面拜洗。主人東楹。東北面奠爵。答拜。降盥。尸侑降。主人辭。尸對。卒盥。主人揖升。尸侑升。主人坐。取爵酌獻尸。尸北面拜受爵。主人東楹。東北面拜送爵。

正義敖氏繼公曰。辭對之儀。見鄉飲酒。故此畧之。揖。亦

主人揖尸也。文省耳。下放此。獻受之儀。亦當如鄉飲酒禮。鄭氏康成曰。降盥者。為土汚手不可酌。賈氏公

彥曰案鄉飲酒禮主人降洗賓降主人辭降賓對此亦應主人降洗尸降主人辭降

右主人獻尸

主婦自東房薦韭菹醢坐奠于筵前菹在西方婦贊者執昌菹醢以授主婦主婦不興受陪設于南昌在東方興取籩于房饗贊坐設于豆西當外列饗在東方婦贊者執白黑以授主婦主婦不興受設于初籩之南白在西方興退

饗贊中反

黃扶云反

正義鄭氏康成曰昌昌木也韭菹醢醢昌本麋麇饗熬

麥也蕡熬泉實也白熬稻黑熬黍賈疏天官籩人職朝

鹽膾鮑魚鱠醢人職朝事之豆韭菹醢醢昌本麋麇青

菹鹿麇並菹麋麇鄭皆據彼而言彼注云有骨為麇無

骨為醢散文則麇亦名醢蕡麻有實泉麻無實蕡泉實者舉其類耳此皆朝事之豆籩大

夫無朝事而用之賓尸亦豐大夫之禮賈疏天子諸侯

北面而事之謂之朝事特牲少牢正祭無朝事于堂直

次定義豐義流

卷之三

有司徹

三

賈疏籩與豆不同所實又別故主婦宜就房親取之不使婦贊者取籩以授主婦也。當外列辟鉶也。退退入房也。賈氏公彥曰正祭先薦後獻若釋祭則先獻後薦故祭義曰君獻尸夫人薦豆注云謂釋日也。賓尸禮與天子諸侯釋祭同亦先獻後薦也。李氏如圭曰先獻後薦異于祭也。陪設重列之也。敖氏繼公曰四豆四籩放室中之數也。賓尸以飲酒為主其禮變於饋食不可復因其薦故於其始亦變而用朝事之豆籩焉。不辟君禮者變而用之無嫌也。當外列。麋在麋

藟西也。

大夫當日賓尸。燄俎而不更殺。所以殺於釋。且日力不給也。其他豆籩則皆新之。故用昌菹麋醢以見韭菹醢醢亦不仍正祭之舊也。又案少牢禮所用惟韭菹醢醢葵菹羸醢而已。賓尸則以昌菹麋醢易葵菹羸醢而已。此以簿正祭器之大概也。然据荇菜蘋蘩之詩。澗谿沼沚之傳。水產陸產之記。則可為籩豆之實者。為物甚繁。而若可以不拘。然則周官所言亦簿正

之法如是耳。天子諸侯理大物博。正祭不可易也。若釋祭則不妨變而通之。雖不在蒞齋醢醢之常數者。亦可並薦與。

右主婦薦豆籩

乃升。

正義鄭氏康成曰。升牲體于俎也。

司馬杞羊。亦司馬載。載右體。肩臂肫骼臠。正脊一。脰脊一。橫脊一。短脅一。正脅一。代脅一。腸一。

胃一。祭肺一。載于一俎。肫音純

正義敖氏繼公曰。二司馬。即舉羊鼎者。以下凡升羊者。皆司馬為之。特於此見之耳。上言燂尸俎。而此肩臂肫骼臠具有。明其神俎所俎並用也。復序俎實者。其數及載與進俎之法。皆有異於上故爾。是言載時先後之序也。其在俎。則與正祭者畧同。惟臠後於骼為異。以其折也。折之則不為全體。而在全體之下矣。臠必折者。見其貶於神俎。且欲以所折者為肉滫俎也。其脊脅皆一骨。

及腸胃各一者。義亦如之。賓尸主於飲酒。此俎乃有祭肺者。盛之一俎。謂司士所設羊鼎西之北俎也。既載。則侑主人主婦之羊俎。亦繼此而序載之。每俎既載。則遷之於阼階西。亦北上西縮。俟時乃設耳。所以然者。為當進羊七。滷羊肉滷於尸也。鄭氏康成曰。言燾尸俎。復序體者。明所舉肩髀存焉。賈疏。上篇載牲體十一。脊脅皆加並骨二。尸食特舉脊脅。髀肩在於所俎。上直言燾尸俎。嫌所舉在所者不在。故復序其體也。亦著脊脅皆一骨也。賈疏。脊脅雖舉。以其二以併。今脊脅載一骨在正俎。一骨在滷俎也。膾在下者。折分之。以

為肉滷。貶也。一俎。謂司士所設羊鼎西第一俎。李氏如圭曰。此尸之羊正俎也。復肩髀于俎。與正祭神俎同。其異者。脊脅腸胃祭肺皆一。又無舉肺。且折分其膾。故降膾在髀下也。

存異 賈氏公彥曰。第一俎。此俎在侑俎之南。下侑俎注云。司士所設羊鼎西之北俎也。明尸俎在侑俎之南。

案 俎之序依乎鼎。鼎既北上。俎安得南上。且主人主婦俎在豕鼎魚鼎之西矣。其羊鼎之西者。侑俎在北。尸俎

在南。是北上南上胥失也。注明言羊鼎西第一俎矣。豈第一俎不在北而轉在南乎。

羊肉清。臠折。正脊一。正脅一。腸一。胃一。齊肺一。

載于南俎。注今文清為汁

正義

鄭氏康成曰。肉清。肉在汁中者。以增俎實。為尸加

也。必云臠折。明為上所折分者。齊肺。離肺也。南俎。雍人

所設在南者。賈氏公彥曰。凡牲體皆出於汁。不言清。

又下豕胥亦出於汁。皆不言清。此特得清名者。特牲少

牢正祭。升牲體於鼎時。皆無七清。今此升牲體於尸前。

七清亦升焉。故得清名。以在俎無汁。故進羊肉清。必先

進羊七清。見此清為肉而有。故在羊肉清前進之。使尸

嘗之。豕亦有七清。不名肉清而名胥者。互見為文。言胥

者。見在俎無汁。言肉清者。見在鼎內時有汁也。魚不言

魚清。而云清魚者。魚前無進七清。故先言清。以明魚在

清可知。羊有正俎。羞七清。又羞肉清。豕無正俎。魚無七

清。隆汚之殺也。不羞魚七清。畧小味也。敖氏繼公曰。

云臠折者明其為臠之下也。此臠蓋與後足之穀同。以無異名故但云臠折而已。羊俎之外又分其體以為此俎。貴多儀也。尊尸不敢用左體故分右臠為之用。齊肺亦別于其正。羊肉清與羊俎之實同。鼎而名不同。以其於鼎有清上清中之異也。羊俎西之二俎亦北上。肉清載于南俎。則其北俎為羞七清明矣。凡羊肉清與豕脊清魚皆俟時而載。因升正俎之節而遂見之。欲其文相比也。

存疑 鄭氏康成曰。此以下十一俎。俟時而載。於此歷說


之爾。賈疏。十一俎者。即尸之羊肉清。一也。豕脊俎。二也。侑之羊俎。三也。豕俎。四也。主人羊俎。五也。羊肉清俎。六也。豕脊。七也。主婦羊俎。八也。尸侑主人三者皆有魚俎。是十一也。通尸羊正俎。為十二俎。其四俎。尸侑主人主婦載羊體俎。皆為正俎。其餘八俎。雍人所設二俎。益送往還。故有八。實止二俎也。

案 正俎四。皆載羊體。尸一也。侑一也。阼一也。主婦一也。此司士所設於三鼎之西者也。既載尸俎。則侑俎阼俎主婦俎。亦相次而載之。以此四俎無他用。但設於尸侑主人主婦之前。故可預載。不必俟時也。其益送之俎十

有二。而燔俎不與焉。尸則羊七清也。羊肉清也。豕七清也。豕膏也。清魚也。凡五。侑則豕膏也。清魚也。凡二。主人與尸同。亦五。合之為益送者十有二。而皆以雍人所設於羊俎西之二俎。更迭往還。實升虛降。而遞送之。其羊七清。豕七清。有清無肉。無體載之事故。不列於載俎之俦。而但著挹注之法於乃升之後。以見例。然則俟時而載者十有二俎。而歷說於下者八俎爾。尸之羊肉清。豕膏清魚也。侑之豕膏清魚也。胙之羊肉清。豕膏清魚也。

蓋皆以南俎為之。北俎則以盛七清。而與之相間以送焉。燔俎雖亦益送。然別有俎夙載。而別陳之。以燔不升於鼎也。

司士祀豕。亦司士載。亦右體。肩臂肫骼臠。正脊一。庭脊一。橫脊一。短脅一。正脅一。代脅一。膚五。齊肺一。載于一俎。

 敖氏繼公曰。此謂豕膏也。二司士。即舉豕鼎者也。此下凡升豕者。皆此司士為之。豕無正俎。故此尸俎之

體骨皆放於羊俎。此俎與羊肉清俎同。亦南俎也。鄭

氏康成曰。臠在下者。順羊也。賈疏以其豕脰不折。臠亦在下。順上羊臠在下。由折

分。此雖不折。順羊故也。

鄭氏康成曰。俎謂雍人所設在北者。敖氏繼公

曰。臠在胛下。是亦折矣。

案俎屬南。當從敖氏。臠不折。當從鄭氏。

侑俎。羊左肩。左肫。正脊一。脅一。腸一。胃一。切肺一。載于一俎。侑俎。豕左肩折。正脊一。脅一。膚三。

切肺一。載于一俎。

正義敖氏繼公曰。侑無羊肉清。故羊俎得用二體。前體

以肩後體以肫。尊之也。右體皆在尸俎。故此皆用左焉。

有肩有肫。則肫在下端矣。羊俎亦用祭肺者。與尸俎同

在堂上。因其禮也。阼俎亦然。飲酒正禮。祭以離肺。其有

以切肺者。或盛之。或有為加之。或相因用之。非常禮也。

豕左肩折。不用全體。為羊俎已二體。故於此殺之。豕脰

體數殺於羊俎。又無羊肉清。皆下尸也。豕脰之肺。宜如

羊肉清用臠。此乃放羊俎用切者。亦以無羊肉清故也。侑之羊俎。司士所設在羊鼎西之南者。侑之豕俎。與尸之豕胥同用南俎。鄭氏康成曰。侑俎用左體。侑賤。其羊俎過三體有肫。尊之加也。賈疏。鼎俎數奇。今體數四。故云加。賓尸有侑。猶正祭有祝。少牢。祝羊豕體各三。又下文主人羊肉清。俎體亦三。侑四體。必知以肫為加者。侑豕俎無肫。主人羊肉清亦無肫。故知豕左肩折。折分為長兄弟俎也。切肺亦祭有肫為加也。肺。互言之耳。無羊肉清。下尸也。豕俎與尸同。

存疑鄭氏康成曰。俎。司士所設羊鼎西之北俎也。豕。又

祭肺不臠肺。不備禮。賈疏。尸羊俎有祭肺。豕俎有臠肺。是備禮。

案上經司馬七羊載于一俎。注云。司士所設羊鼎西第一俎。尸俎第一。則侑俎第二。第一者在北。則第二者在南無疑也。此注乃云北俎。殊不可曉。疑北字乃次字之譌。若然。則注文本明。而傳錄者展轉迷誤。遂致賈氏亦眩耳。侑之豕胥俎亦益送者。則雍人所設于南者。注謂豕俎與尸同是也。祭肺貴於臠肺。豈其有祭肺而轉謂不備禮乎。敖說密矣。

胾俎。羊肺一。祭肺一。載于一俎。羊肉清。臂一。脊一。脅一。腸一。胃一。濟肺一。載于一俎。豕脅。臂一。脊一。脅一。膚二。濟肺一。載于一俎。

正義

鄭氏康成曰。胾俎。主人俎。無體。遠下尸也。賈疏。尸用右體。

主人用左體。是其相下。今主人以肺代之。肺尊也。賈疏。口脩。

正俎全無牲體。故云遠下尸。一肺。今主人一俎有兩肺。肺者氣之主。

食所先祭。尊於腸胃。故以肺代體云。加羊肉清而有

體。崇尸惠。亦尊主人。賈疏。肉清與尸同。至尸酢主人而

七清。而主人盡臂。左臂也。脩用肩。主人用臂。下之也。不

有。是其尊主人。

言左臂者。大夫尊。空其文。賈疏。知是左臂者。以

士所設。豕鼎。西俎也。其清俎與尸俎同。豕俎又與尸豕

俎同。賈疏。以其共用益送之俎。故知同也。

教氏繼公曰。尸之牲俎三。主

人亦如之。故其正俎無體。遠下尸也。無骨之屬。但用肺

而已。臂不言左者。可知也。正俎太賤。故加俎宜用尊體。

其脊脅之屬。亦不嫌於與尸同也。脩正俎用肩。主人之

加俎乃用臂者。蓋示其不相統之意。豕脅。猶言豕俎也。

不言肉清者。一俎而已。無所別異也。豕脅體數。乃放羊

肉清者亦以羊俎太簡故爾此羊肉清豕脊皆用雍人所設之南俎與尸同。

鄭氏康成曰降於侑羊體一而增豕膚三有所屬有所申亦所謂順而撫也。賈疏順而撫禮器文。

主人與侑之豕脊俎膚皆三未見其增也而以此為申何哉。

主婦俎羊左臠脊一膾一腸一胃一膚一臠羊肺一載于一俎。

賈義敖氏繼公曰主婦有正俎而無豕脊下侑也必用

膚者明其可用豕脊而不用也亦與阼俎惟用羊肺之意相近用臠肺者此俎設于房中故不因堂上之禮。

鄭氏康成曰無豕體而有膚以主人無羊體不敢備也無祭肺有臠肺亦下侑也祭肺尊。賈疏侑俎皆祭肺。言臠羊肺

者文承膚下嫌也。賈疏有豕肺之嫌故須辨之。膚在羊肺上則羊豕之體名同相亞也。賈疏進豕膚在羊肺上者羊豕雖異脊脊之等體名則同故以膚在肺上

使相亞也下主人獻賓時膚又在肺下者彼取用之先後故退膚在下其俎司士所設在

魚鼎西者。

主婦一俎。有羊無豕。特加豕膚以見意。故次于脊脅腸胃。以明其皆為俎實。且與侑俎胙俎不甚異也。羊肺在下者。貴所祭。殊之也。

司士杞魚。亦司士載尸俎五魚。橫載之。侑主人皆一魚。亦橫載之。皆加膾祭于其上。注膾火吳反

敖氏繼公曰。二司士。舉魚鼎者也。橫載之。亦縮俎。其於載者則為橫。此益送魚肉之俎。載時皆橫執之。與

羞之之時異。於斯見之矣。凡經言載俎之例。惟云橫載者。據俎而言也。加以之字者。據載者而言也。此三羞。皆魚。亦皆迭用南俎。鄭氏康成曰。橫載之者。異於牲體。

膾。讀如殷嘽之嘽。剗魚時。割其腹以為大臠。可用祭也。其俎又與尸豕俎同。賈疏。魚三俎。皆用尸豕俎。益進之。

尸之魚俎。不於前併序之。而在此者。欲使三魚俎為類也。

賈氏公彥曰。正祭升魚縮載。於俎為縮。於尸為橫。

右首進腴。若食生人，亦縮載於人爲橫。右首進鰭。今賓尸魚橫載於人爲縮。是不與正祭同。又與生人異也。牲體進腴。是已變於神。至魚載又橫於俎。是彌變於神也。
[圖]載魚之法。上篇正祭曰縮載。此賓尸則曰縮載之。其實一也。因執俎有橫縮之別而異其文耳。疏未清析。已於上篇詳之。

右通言載俎之法

[圖]主人之與尸也。俎並同。後此設俎羞俎之入並同。

主人尊。與尸爲偶也。侑輔尸者。殺於尸。則無羊七清俎。羊肉清俎。豕七清俎矣。主婦區主人者。殺於主人。又殺於侑。則并無豕胥俎。豕燔俎。清魚俎矣。且侑與主婦之俎。祇令司馬設之。而不以煩賓長也。凡此皆尊卑降殺之差也。主人與尸俎雖同。而俎實大不同。則亦所謂有所屈有所申者。

卒升。

[圖]鄭氏康成曰。卒已也。已載尸羊俎。敖氏繼公曰。

謂已升四羊俎也。

案尸侑主人主婦之羊正俎。相繼而序升之。敖說是也。

此云卒升。則專指尸俎。以為下文行禮之節。注說亦可。

通。

賓長設羊俎于豆南。賓降。尸升筵自西方坐。左執爵。右取韭菹。換于三豆。祭于豆間。尸取麴蕡。宰夫贊者取白黑以授尸。尸受。兼祭于豆。祭。知長。

反丈

正義

鄭氏康成曰。賓長。上賓。

賈疏案下三獻時。上賓洗爵。知為一人也。

敖

氏繼公曰。賓長設俎。尊尸之正俎也。阼俎亦然。云賓降。見尸升之節也。既祭則右執爵。於尸升筵。主人亦疑立于阼階東。郝氏敬曰。韭菹麴蕡在北近筵。尸自取。白黑在南遠。宰夫贊者取授尸。

案上經尸北面拜。進受爵于筵前。乃退復西楹西北面

之位。尸爵猶右手執之。未奠也。主婦薦豆籩。司馬升羊俎。而賓長設之。於是尸乃升筵。事皆相接中間雖有空

隙。斯須耳。以堂上薦豆籩。堂下杙載。可並行也。尸既升筵坐。乃左執爵。爲將祭也。

賈氏公彥曰。從上文獻尸。下盡尸升筵立于筵末。有五節。主人獻酒。并主婦設豆籩。一也。此賓長設羊俎。二也。下次賓羞羊七清。三也。司馬羞羊肉清。四也。次賓羞羊燔尸。乃卒爵。五也。

雍人授次賓疏匕與俎。受于鼎西。左手執俎。左廉縮之。卻右手執匕枋。縮于俎上。以東面受于

羊鼎之西。司馬在羊鼎之東。二手執挑匕枋。以

挹清。注于疏匕。若是者二。

扱

挑湯堯反一音由挹因入反注今文挑作扱挹皆爲

正義

敖氏繼公曰。疏匕與俎在羊俎西之北者也。七清

尊於肉清。故用上俎羞之。雍人陳俎時。俎西縮。疏匕縮。俎西柄。而此左手執左廉。卻右手執匕枋。以受清。是身當俎下端也。然則凡縮執俎者。皆當其下端矣。左手執俎左廉。乃縮之。是授受時皆橫執俎也。縮執俎以受于

鼎西者。惟此與豕七清耳。二手執挑七枋。敬其事。不游手也。挹清且若是。則七牲體者可知。鄭氏康成曰。挑謂之歆。讀如或舂或枕之枕。或作挑者。秦人語也。此二七者。皆有淺升。狀如飯操。賈疏。此以漢法况之。言淺挑。升對尋常勺升深。此淺耳。挑長枋。可以杼物於器中者。注。猶瀉也。郝氏敬曰。受于鼎西。就鼎取清也。卻。仰手向後。七中有清。直設俎上。以手前執俎左邊。右手向後仰執七柄。

案盛清恆以瓦鐙。此用疏七者。為益送。不常設也。俎非盛清之器。故注于疏七。而以俎承之。徒七不可執。以為禮也。其挹之三者。禮成於三也。據此。則疏七大而挑七小。可見矣。

尸興。左執爵。右取肺。坐祭之。祭酒。興。左執爵。

正義鄭氏康成曰。肺。羊祭肺。賈疏。上載尸羊正俎而云祭肺一。是也。其羊肉清。雖

有齊肺一。此時未升。敖氏繼公曰。言興左執爵。明其右執爵以

興也。下文皆然。郝氏敬曰。接上祭白黑。遂祭肺祭酒。

次賓縮執七俎以升。若是以授尸。尸卻手受七

枋坐祭。濟之興。覆手以授賓。賓亦覆手以受。縮七于俎上以降。

正義

鄭氏康成曰。濟清者。明清肉加耳。嘗之。以其汁尚

味。賈疏。七清似犬羹。特性。犬羹不祭。不濟。以不為神。非

盛此濟之者。明肉清加。在鼎有汁。在俎無汁。故以七

進汁。以增俎實為尸加。特性。犬羹自門入。本不在鼎。不調之。此肉清在鼎。已調之。故云尚味。李氏

如圭曰。此七清也。七清無肉。肉清無汁。七清羊豕皆有

之。豕不曰肉清。而曰豕膏者。肉清言肉初在清中。曰膏。明在俎時無汁也。以降者。俟羞羊肉清。敖氏繼公曰。

若是者。謂執七俎之儀無變也。卻手受七柄。則七內鄉而便於用。覆手以授賓。明其變於有事之時。次賓亦覆手以受。統於尊者也。縮俎則不復執之。而二手執俎矣。祭清如祭酒然。亦注於地。他時清不祭。此祭者。重其在俎也。

案 濟俎無所載。其在鼎西。唯有搃注之法。其羞于尸。唯

有授受之法。下豕七清及主人之羊七清。豕七清並同。但無雍人授七俎一節耳。尸卻手受而覆手授。尚相變。

也。次賓卻手受於雍人。而覆手以授於尸。意亦同。

尸席末坐。啐酒。興坐奠爵。拜告旨。執爵以興。生

人北面于東楹東答拜。注古文曰東楹之東

賈氏公彥曰。上篇尸不啐奠不告旨。大夫之禮尸

彌尊。至於賓尸啐酒告旨者。異於神也。**敖氏繼公**曰。

拜告旨。不降筵。以有後事也。云主人北面于東楹東。明

其復位。下放此。

案特牲告旨。主人拜。尸答拜。此尸先拜。主人答拜者。彼

正祭尸尊。此賓尸。尸同於賓客也。鄉飲射禮。皆先拜而

後告旨。

司馬羞羊肉。滫縮執俎。尸坐奠爵。興取肺。坐絕

祭。濟之。興反加于俎。司馬縮奠俎于羊滫俎南。

乃載于羊俎。卒載俎。縮執俎以降。羊滫俎滫字從楊敖作衍文

鄭氏康成曰。滫使次賓。肉使司馬。大夫禮多。崇敬

也。賈疏以大夫官多。故次賓司馬各使載其一。 **楊氏復**曰。正俎皆橫執。橫

奠。加俎皆縮執。縮奠羊滫俎。滫字衍。**敖氏繼公**曰。縮

執俎者既載則錯而改執之也。載時橫執之。尸奠爵亦於左。宜辟羞俎者。後清字衍。司馬北面縮奠俎。既則西面於俎東載之。

案司馬縮執縮奠之俎。羊肉清俎也。卽雍人所設益送之南俎也。載于羊俎者。載此羊肉清于尸之正俎也。後清字。楊氏敖氏以爲衍文。蓋羊清俎賓既以之降矣。不宜復有俎在也。絕祭已見鄉飲酒禮。

尸坐執爵以興。次賓羞羊燔。縮執俎。縮一燔于俎上。鹽在右。尸左執爵。受燔。揆于鹽坐。振祭。齊之。興加于羊俎。賓縮執俎以降。

正義敖氏繼公曰。室中之事無燔俎。故此與亞獻皆用之。受燔取于俎也。

存異李氏如圭曰。羞羊燔亦當以羊肉清之俎。

案羊俎西之二俎。祇載其升于鼎者以益送耳。其燔則別以俎實之而陳于內東。豈非此俎也。燔已見士虞及特牲禮。

尸降筵北面于西楹西。坐卒爵。執爵以興。坐奠爵拜。執爵以興。主人北面于東楹東答拜。主人受爵。尸升筵。立于筵末。

案燕禮賓既受酢。則降立于席西東南面。此之筵末。即席西也。亦當東南面。

右終主人獻尸之禮

主人酌獻侑。侑西楹西北面拜受爵。主人在其右北面答拜。

正義

鄭氏康成曰。不洗者。俱獻閒無事也。

賈疏以其獻尸訖即獻侑。

中間別無酬酢之事。故不洗。凡爵行。爵從尊者來向卑者。獻閒無事。則不洗。從卑者來向尊者。雖獻閒無事。亦洗。主人就右者。賤不專階。賈疏對主人不就尸階者。尸尊得專階故也。

教

氏繼公曰。獻侑亦于席前西南面也。侑既拜。則進受之。以復位。主人既拜。則立于西階東。及侑降筵北面。則復就其右。

總論

賈氏公彥曰。此節內從獻有三事。主人獻時。主婦薦豆籩。一也。司馬羞羊俎。二也。次賓羞羊燔。三也。侑降

于尸二等。無羊七清。又無羊肉清。

主婦薦韭菹醢。坐奠于筵前。醢在南方。婦贊者執二籩。饗以授主婦。主婦不興受之。奠饗于醢南。贊在饗東。主婦入于房。

正義 敖氏繼公曰。醢在南方。是豆北上也。豆北上者。以席南上也。生人席豆相變之法。於斯見之矣。下云侑升筵降筵自北方。是席南上也。主婦薦豆。而贊者即贊籩者。兩豆兩籩同時設。故不必親取籩。鄭氏康成曰。醢

在南方者。立侑為尸。使正饌統焉。

賈疏。凡設菹常在右。便其換。今菹在醢北。

者以其立侑以輔尸。故菹在北。統於尸也。

義 生人席豆相變之法。在堂則然。在室則有不盡然者。

說見士昏禮。

侑升筵自北方。司馬橫執羊俎以升。設于豆東。

正義 敖氏繼公曰。凡正俎皆橫執。此乃明言之者。以司

馬進之。嫌亦縮執也。

義 侑與主婦之正俎。皆司馬設之者。侑不可並於尸。主

婦不可並於主人。不敢以煩賓長也。設于豆東。在兩豆之東。一俎當二豆。兩邊在其南。所謂要方者。

侑坐。左執爵。右取菹。換于醢。祭于豆間。又取饗。黃同祭于豆。祭興。左執爵。右取肺。坐祭之。祭酒興。左執爵。次賓羞羊燔。如尸禮。

正義 敖氏繼公曰。不啐酒者。凡堂上每獻。啐酒之節。皆當放於尸。上禮尸。濟濟乃啐酒。此無清。則不宜啐。以異其節。

侑降筵。自北方。北面于西楹。西坐。卒爵。執爵以興。坐奠爵。拜。主人答拜。

正義 鄭氏康成曰。答拜。拜於侑之右。賈疏以其前拜爵時。主人在侑之右。

案 立侑以輔尸。禮如介。亦有不純如介者。介降席自南方。侑則降自北方也。

右主人獻侑

尸受侑爵。降洗。侑降立于西階。西東面。主人降自阼階。辭洗。尸坐奠爵于筐。興對。

正義鄭氏康成曰。將酢主人。敖氏繼公曰。尸適洗南

北面。主人阼階東南面辭洗。尸對。主人復阼階東西面。卒洗。主人升。尸升自西階。主人拜洗。尸北面于西楹西。坐奠爵。答拜。降盥。主人降。尸辭。主人對。卒盥。主人升。尸升。坐取爵酌。

正義敖氏繼公曰。主人亦揖乃升。與前後之儀同。不言者。可知也。侑不升。辟酢禮也。與尸同升。則嫌若同酢主人然。

正義賈氏公彥曰。此事中亦有五節行事。尊主人。故與尸同也。尸酢主人時。主婦薦豆籩。一也。賓長設羊俎。二也。次賓羞羊七清。三也。司馬羞羊肉清。四也。次賓羞羊燔。主人乃卒爵。五也。特牲少牢。主人獻尸。尸即酢主人。為嘏也。賓尸無嘏。且欲與正祭相變。故獻侑既而後尸酢主人。於是主婦之亞獻。賓長之三獻。承此初獻之節。次而為之。悉與正祭相變矣。

司宮設席于東序西面。主人東楹東北面拜受。

爵尸西楹西北面答拜。

賈氏公彥曰。特牲及後不賓尸。皆致爵乃設席。此

受酢卽設席者。賓尸而主人益尊。敖氏繼公曰。事至

乃設席。畧放室中致爵之節。亦所以尊尸侑也。既設席。

尸乃於席前東南面酢主人。主人拜受爵復位。

鄉飲射禮。主人與賓介之席同時設之。此則主人席

受尸酢乃設者。亦是尊尸之意。吉禮與賓禮異者也。

主婦薦韭菹醢。坐奠于筵前。菹在北方。婦贊者

執二籩。饗。主婦不興受。設饗于菹西北。蕡在

饗西。主人升筵自北方。主婦入于房。

鄭氏康成曰。設籩于菹西北。亦辟錡也。疏。上設侑

在西北。明辟錡也。云亦亦尸。邊當豆。西外列以辟錡故也。賈氏公彥曰。凡執豆籩

皆兩。雙執之。上尸籩豆各四。故主婦與取籩豆于房。見

異饌親之義。此侑與主人皆二豆二籩。主婦與婦贊者

各執其二。於事便。故主婦不興受設之。敖氏繼公曰。

主人之席亦南上。而菹在北方。豆席相變之法。愈可見

矣。升筵之節。侑速於尸。主人速於侑。皆所以示其異。

四尸升筵在設俎之後。侑則不待設俎而升筵。侑之禮

較尸為質。尊卑之異也。侑升筵在主婦入之後。主人則

不待主婦入而升筵。主人之禮又較侑為彌質。賓主之

異也。

長賓設羊俎于豆西。主人坐。左執爵。祭豆籩。如

侑之祭。興。左執爵。右取肺。坐祭之。祭酒。興。次賓

羞七清。如尸禮。席末坐。啐酒。執爵以興。司馬羞

羊肉。清。縮執俎。主人坐。奠爵于左。興。受肺。坐。絕

祭。齊之。興。反加于清俎。司馬縮奠清俎于羊俎

西。乃載之。卒載。縮執虛俎以降。

五郝氏敬曰。羊俎。即前胾俎。敖氏繼公曰。祭酒興。

亦左執爵。乃受七清。奠爵于左。辟肉清俎也。受肺亦取

于俎。言受者。執俎以進。亦授也。故取之云受。言虛俎者。

見其盡載于羊俎。而無所釋也。此經言羞清俎一節。其

文有加於尸者。所以足其義。非異也。

案上言取肺。羊正俎之祭肺也。後言受肺。羊清俎之齊肺也。

注鄭氏康成曰。奠爵于左者。神惠變于常也。言受肺

者。明有授言虛俎者。羊清俎訖于此。虛不復用。賈疏此

所執。陳奠于羊俎。西在南者。自次賓羞七清。司馬羞羊肉。清于尸。次賓乃羞七清于主人。同用此俎。二降皆不言虛。欲見後將更用。至此言虛俎。明其不復用此

俎。又下文次賓羞羊燔于主人。則用北之豕俎。

注云羊清俎虛不復用。此俎即雍人所執。陳十羊俎

西之南俎也。豕膋清魚。將以此羞之。胡云不復用乎。燔

不升於鼎。則不用此二俎。明燔俎與正祭之肝俎為

類。皆別俎而預載之。陳于內。棗塾上者也。

主人坐取爵以興。次賓羞燔。主人受如尸禮。

正義賈氏公彥曰。燔即羊燔。以主人與尸侑皆用羊體。

主婦獻尸以後。悉用豕體。賓長獻尸以後。悉用魚。從是

以知主人之燔羊燔也。敖氏繼公曰。燔不言羊。可知

也。

主人降筵自北方。北面于阼階上。坐卒爵。執爵

以興。坐奠爵。拜。執爵以興。尸西楹西答拜。主人坐奠爵于東序南。

鄭氏康成曰。不降奠于篚。急崇酒。賈疏。此下唯有崇酒之文。異無

餘事。

侑升。尸侑皆北面于西楹西。

鄭氏康成曰。見主人不反位。知將與已爲禮。

主人北面于東楹東。再拜崇酒。

崇酒。解見鄉飲酒禮。

尸侑皆答再拜。主人及尸侑皆升就筵。

敖氏繼公曰。此尸酢主人。主人拜崇酒。而侑亦答拜者。緣主人意亦欲并謝已也。云主人及尸侑先後之辭也。後文放此。

右尸酢主人

尸酢主人。正祭惟按祭而已。其儀質而簡。故畧賓尸則司宮設席。主婦薦二豆二籩。賓長設羊正俎。次賓羞羊七涓。司馬羞羊肉涓。次賓羞羊燔。其儀文而

繁。故詳。質而簡者神之也。文而繁者人之也。凡獻尸
尸酢。及一切禮儀。賓尸之異於正祭者皆是如此。郊
特牲。鄭注云。祭禮簡而事尸禮大。

司宮取爵于筐。以授婦贊者于房東。以授主婦。

正義 鄭氏康成曰。房東。房戶外之東。敖氏繼公曰。以

授主婦。婦贊者以授主婦於房中也。上篇亞獻畢。主婦
以爵入于房。今司宮乃取爵于下筐以授。其有司徹之
後。此爵又反于下筐與。

總論 賈氏公彥曰。此主婦獻內凡有四爵。主婦獻尸。

也。獻侑。二也。致爵于主人。三也。受尸酢。四也。其獻尸一
節之內。從獻有五。主婦設兩鉶。一也。主婦又設糗與脩。
二也。次賓羞豕七滫。三也。司士羞豕脰。四也。次賓羞豕
燔尸乃卒爵。五也。

案 主人獻尸獻侑并受酢。凡三爵。主婦多致爵于主人
一爵。

主婦洗于房中。出實爵。尊南西面拜獻尸。尸拜

于筵上受。

正義鄭氏康成曰。尊南西面拜。由便也。賈氏公彥曰。

賓主獻酢。無在筵上受法。今筵上受者。以婦人所獻。尸不與行賓主之禮。故不得各就其階。少牢主人獻祝。祝拜于席上坐受。注云。室內迫狹。故拜筵上。與此禮異。

敖氏繼公曰。尸拜于筵上受。以其殺于主人。且因室中之禮也。後三獻放此。

案敖氏之說。與賈氏相兼乃備。

主婦西面于主人之席北。拜送爵。

正義敖氏繼公曰。主人席北。此時主婦堂上之正位也。

郝氏敬曰。卽尊前西面拜獻尸。退就主人席北。又拜。婦人俠拜也。

案主婦不可拜獻尸于阼階上。故爲尊南之拜以獻之。至拜送則就主人之席北。東序之內亦主位。婦人與男子爲禮。當依其夫也。少牢主婦獻尸于主人之北。西面拜送爵。其所謂北。在室中者也。此云主婦西面于主人

之席北拜送爵。則在堂上者也。

入于房。取一羊鉶坐奠于韭菹西。主婦贊者執豕鉶以從。主婦不興受。設于羊鉶之西。興入于房。取糗與股脩執以出。坐設之。糗在蕢西。脩在自西。興立于主人席北西面。糗去九反。股丁亂反。本又作段音同。注今

文股為斷

正義 敖氏繼公曰。飲酒而有鉶尸尊。亦盛之。設二籩而主婦親取之。以其與鉶異類。不可相因也。糗與脩雜用。

饋食之籩也。去棗用脩以示其變。糗脩北上。明不與初

儀序。下儀類此。鄭氏康成曰。飲酒而有鉶者。祭之餘。

鉶無黍稷殺也。

賈疏。正祭有黍稷。此殺也。

糗。糗餌也。股脩。擣肉之脯。

郝氏敬曰。奠于韭菹西。即前云豆西之外列。麩蕢之內也。

案 取一羊鉶。不言出者。可知也。

尸坐。左執爵。祭糗脩。同祭于豆祭。

祭糗之祭當從敖作取

正義 敖氏繼公曰。於此乃云尸坐。是受爵時立也。祭糗

脩之祭。當如下文作取。蓋字誤也。

以羊鉶之。柶扱羊鉶。遂以扱豕鉶。祭于豆。祭祭

酒。扱坊本作挹非石
經及敖本作扱

正義敖氏繼公曰。祭鉶乃祭酒者。是禮初獻祭酒之節。居其祭之四。三獻居其祭之二。故於此特居其祭之三。以差之。且示禮殺有漸也。

次賓羞豕七清。如羊七清之禮。

正義敖氏繼公曰。如者。如其左手執俎左廉以下之儀。其異者。次賓自縮執七俎以受。雍人不復授之也。羞豕七清。亦用羊七清之俎。其七則殊。乃鄉之覆于羊俎西之南俎之上者也。將羞此清。則以羊七與之。易處焉。既則各反之。

尸坐啐酒。左執爵。嘗上鉶。執爵以興。坐奠爵拜。主婦答拜。執爵以興。

正義敖氏繼公曰。此嘗鉶拜也。不告旨。異於主人也。特牲饋食禮曰。尸祭鉶嘗之。告旨。主人拜。尸答拜。郝氏

敬曰。上鉶。羊鉶也。

案下經主婦致于主人。主人嘗鉶不拜。明此尸拜為嘗鉶也。特牲啐酒嘗鉶告旨。皆主人先拜。尸乃答拜。此主人初獻。尸啐酒先拜告旨。賓之尸。卑於祭之尸也。主婦亞獻。尸嘗鉶拜而不告旨。主婦之禮殺於主人也。

司士羞豕脰。尸坐奠爵。興受。如羊肉滂之禮。坐取爵興。

正義敖氏繼公曰。奠爵亦於左。郝氏敬曰。如羊肉滂

之禮。亦奠俎于羊俎西。載于羊俎。縮執虛俎以降。等禮同也。

案尸亦坐奠爵。興取肺。坐絕祭。齊之。興反加于俎。

次賓羞豕燔。尸左執爵。受燔。如羊燔之禮。坐卒爵拜。主婦答拜。受爵。

正義敖氏繼公曰。受爵亦於其席也。下文放此

案主人獻則羞羊。主婦獻則羞豕。豕亞於羊。所以為初獻。亞獻之差也。羊鉶豕鉶皆於此羞之。以兩鉶不可單

設。且因正祭佐食之羞兩鉶也。尸嘗上鉶則仍以羊為重。

右主婦獻尸

酌獻侑。侑拜受爵。主婦主人之北西面答拜。注

文無西面

正義鄭氏康成曰。酌獻者。主婦。敖氏繼公曰。亦拜於

筵上受。蓋不敢異於尸。不言者。可知也。北亦席北。

正義正曰酌獻。則無尊南之拜矣。所以殺於尸也。

總論賈氏公彥曰。其同於尸有三等。主婦酌獻侑。主婦

羞糗脩。一也。司士羞豕脰。二也。次賓羞燔。侑乃卒爵。三

也。其降於尸二等。無鉶羹與豕七清也。

主婦羞糗脩。坐奠糗于饗南。脩在黃南。侑坐左。

執爵取糗脩。兼祭于豆祭。

正義敖氏繼公曰。無鉶亦殺也。不祭酒者。上禮尸祭鉶

乃祭酒。此無鉶則不祭酒。其義與上不啐酒同。

司士縮執豕脰以升侑興。取肺坐祭之。司士縮

奠豕脰于羊俎之東。載于羊俎。卒乃縮執俎以降。侑興。

正義

鄭氏康成曰。豕脰無清。於侑禮殺。

賈氏公彥曰。

尸侑主人主婦正俎。皆橫執以升。又橫設於席前。若益送之俎。皆縮執之。又縮於席前。今司士所羞豕脰是益送之俎。縮執是其常。而言縮執者。以承上主人獻侑時。無芝肉清。故主婦獻侑。司士羞豕脰不得相如。是以特著之。見異於正俎。諸文特云橫執縮執者。皆此類。敖

氏繼公曰。取肺亦右取之。肺謂切肺。豕脰無清者。初獻無羊清。故此雖有豕脰亦不用清也。

次賓羞豕燔。侑受。如尸禮。坐卒爵。拜。主婦答拜受爵。

正義

敖氏繼公曰。如尸禮。亦如受羊燔之禮也。

右主婦獻侑

酌以致于主人。主人筵上拜受爵。主婦北面于阼階上答拜。

正義 鄭氏康成曰。主婦易位拜于阼階上。辟併敬。賈疏。前主

婦獻尸侑。拜送于主人北。今致爵于主人。拜于阼階上者。辟併敬主人與尸侑。故易位。 敖氏繼

公曰筵上受。因尸禮也。北面答拜。放室中之儀也。與主

人行禮。故亦得獨拜于阼階上。郝氏敬曰。主人筵在

東序。西面拜受。主婦阼階上答拜于主人之西南也。

案 主婦獻尸侑。而拜于主人之北者。夫婦一體也。至致

爵于主人。與夫為禮。則當另列為班。故拜于阼階上北

面。若仍在主人之北面西。則不惟有併敬尸侑之嫌。且

不見所拜者之為主人也。不俟拜者。辟獻尸之禮也。

又案特牲三獻爵止。乃致爵。此未三獻已致爵者。賓尸

之禮。以尸侑主人。主婦相次。主婦既獻尸侑。則必致于

主人。而後尸乃可酢主婦。故與特牲節異也。

總論 賈氏公彥曰。此主婦致爵于主人時。從薦亦有五

節。主婦設二鉶。一也。又設糗脩。二也。豕七清。三也。豕齊。

四也。豕燔。主人卒爵。五也。

主婦設二鉶與糗脩。如尸禮。主人其祭糗脩。祭

金定儀禮正義疏 卷三十一
錡祭酒受豕七清。啐酒皆如尸禮。嘗錡不拜。酒

上坊本有拜字
衍文敖本無之

正義鄭氏康成曰。主人如尸禮。尊也。其異者。不告旨。

賈氏公彥曰。此經啐酒之上無拜文。有者衍字也。敖

氏繼公曰。有錡者。阼俎如尸。故錡亦因之。設二錡。羊在

菹北。豕在羊北。設糗脩。糗在饗北。脩在蕡北。此啐酒。為

將嘗錡也。嘗錡不拜。錡已物也。

正義賈氏公彥曰。前主婦獻尸。尸坐啐酒。左執爵。嘗上

錡。執爵以興。坐奠爵拜。拜在嘗錡之下。則嘗錡有拜。坐

啐酒不拜。與此啐酒有拜。嘗錡無拜。違者。彼拜雖在嘗

錡下。其拜仍為啐酒。以因坐啐酒不興。即嘗錡。嘗錡訖。

執爵興。坐奠爵拜。拜仍為啐酒。是以特牲少牢尸嘗錡

皆不拜。

正義啐酒告旨則拜。此經主人初獻尸有之。其獻侑及主

婦獻尸侑。俱啐酒而不拜。為不告旨也。嘗錡告旨則拜。

特牲始祭有之。其少牢始祭。尸嘗錡不拜。亦為不告旨

也。唯主婦獻尸。尸啐酒嘗鉶。不告旨亦拜。此因主人獻尸。尸啐酒拜告旨而爲之。告旨雖殺于主人。以主婦與主人體敵。故猶拜也。主婦獻尸之嘗鉶。與主人獻尸之啐酒。其節同。故一以爲啐酒拜。一以爲嘗鉶拜耳。至致爵于主人。承上獻侑之儀。嫌嘗鉶有拜。故經言嘗鉶不拜以明之。啐酒之不拜。不待言矣。疏謂啐酒之上無拜字者是也。又遷就其辭。以爲嘗鉶之拜仍爲啐酒者。非也。

其受豕脊。受豕燔。亦如尸禮。坐卒爵拜。主婦北面答拜。受爵。

右主婦致爵于主人

尸降筵。受主婦爵以降。

正義

鄭氏康成曰。將酢主婦。

敖氏繼公曰。主婦受爵。

尸卽降筵。主婦以尸將受已爵也。其西面于主人之北。以待之與。郝氏敬曰。尸酢主婦。必待主婦致爵主人而後酢者。尊主人使先受獻也。

金定儀禮正義 卷三十一
三十一
總論賈氏公彥曰。此節內從酢有三。主婦受酢時。婦贊者設豆籩一也。司馬設羊俎二也。次賓羞羊燔。主婦卒爵三也。主婦受從與侑同三。主人受從與尸同五。尊卑之差也。

主人降。侑降。主婦入于房。

正義 敖氏繼公曰。侑主人降。從尸也。主婦入于房。尸降爲已。宜辟之也。凡婦人於丈夫之爲已而降洗者。例無從降之禮。於此篇及士昏禮見之矣。

案 尸之降。爲洗爵以酢主婦也。主婦若辭洗。則宜降已。士昏禮記曰。不敢辭洗。舅降則辟于房。不敢拜洗。凡婦人相饗無降。婦人祭禮事止於堂階。故入于房以辟之。

主人立于洗。東北西面。侑東面于西階西南。

正義 鄭氏康成曰。俟尸洗。

存疑 敖氏繼公曰。設洗當東榮。主人降位在阼階東。直東序。則宜西于洗北。又上文侑降立于西階西。此亦從降也。而主人云洗東北。侑云西階西南。未詳。疑文有誤。

衍也。

尸易爵于筐盥洗爵。

正義 敖氏繼公曰。易爵酢主婦。因室中之禮也。

主人揖尸侑。

正義 鄭氏康成曰。將升。敖氏繼公曰。亦異揖之。于此

乃并揖侑者。以鄉者尸酢主人時侑不升故也。必揖之使升者。尸酢之意已見於前。今無嫌也。

主人升。尸升自西階。侑從。主人北面立于東楹

東。侑西楹西北面立。

正義 鄭氏康成曰。俟尸酌。敖氏繼公曰。以尸方行禮。

宜俟之。

尸酌。主婦出于房。西面拜受爵。尸北面于侑東答拜。主婦入于房。

正義 敖氏繼公曰。西面亦于主人之席北。蓋尸亦就此

位而酢之。

案 會尸之酌則自出。男女相為禮。不親相與言。亦不使

人致辭。按節以赴而已。不辭洗而入于房以辟之。亦猶此也。

司宮設席于房中南面。主婦立于席西。

注今文曰南面

立于席西

正義鄭氏康成曰。設席者。主婦尊。

賈疏賓長以下無設席之文。惟主婦設席

與主人同。故云主婦尊。特牲及不賓尸。主婦設席。亦是主婦尊。

敖氏繼公曰。既受爵

乃設席。降於主人也。席南面。變於不賓尸之禮也。立于席西者。亦西為下。未設豆而立席西。亦異於上。

婦贊者薦韭菹醢。坐奠于筵前。菹在西方。婦人贊者執饗蕢以授婦贊者。婦贊者不興受。設饗于菹西。蕢在饗南。

正義鄭氏康成曰。婦人贊者。宗婦之少者。

存疑賈氏公彥曰。特牲宗婦一人而已。不言贊。此大夫禮隆。贊非一人。

案特牲主婦亞獻尸。宗婦執兩邊贊之。致于主人。贊設兩豆兩邊。其贊者宗婦一人而已。此既有宗婦贊者。又

有婦人贊者。則二人也。疏語未析。似特牲宗婦直有一人矣。

主婦升筵。司馬設羊俎于豆南。主婦坐左。執爵。右取菹。揆于醢。祭于豆間。又取饗。蕡兼祭于豆。祭。主婦奠爵。興。取肺。坐絕祭。齊之。興。加于俎。坐。扱手。祭酒。啐酒。注古文。扱作說。

正義鄭氏康成曰。扱手者。于帨。帨佩巾。內則。婦人亦左佩紛帨。李氏如圭曰。主婦羊俎。齊肺非祭肺。故絕祭。

扱手。敖氏繼公曰。凡祭離肺者。必扱手。經不盡見之也。

次賓羞羊燔。主婦興受燔。如主人之禮。主婦執爵以出于房。西面于主人席北。立卒爵。執爵拜。尸西楹西北面答拜。主婦入立于房。尸主人及侑皆就筵。

正義鄭氏康成曰。出房立卒爵。宜鄉尊。不坐者。變於主人也。賈疏。上主人受酢。坐卒爵。執爵拜。變於男子也。賈疏。凡男子拜卒爵。皆奠爵。乃

次定儀禮卷之三 有司徹

拜
敖氏繼公曰。出房卒爵。宜成禮於所酢者之前也。
立卒爵。婦人常禮也。立卒爵而拜。既。惟人君及主婦耳。
其異者。奠爵與執爵也。燕禮曰。公立卒爵。坐奠爵拜。云
立于房。見其不就席。

案 特牲主人主婦交致爵。皆酢。賓又致爵于主人主婦。
皆自酢。此直有主婦致爵于主人。又不酢。何也。凡獻酢
之節。有主有從。主獻者酢。而從獻者不酢。此主婦獻尸。
而因以到爵于主人。則主人固在從獻之列。無由而酢。

主婦矣。特牲主人主婦交致交酢。在三獻爵止之後。自
成對偶。此在主婦獻尸爵內。以主婦爲之始終。則主人
東不得而致爵于主婦矣。主人既不致爵于主婦。則賓
亦不得而致爵于主婦矣。故主婦惟受尸酢。而其餘則
否。

右尸酢主婦

禮記卷之九 有司徹

